

اقتصادیات

مجموعہ سی

خانہ

اشترک برلی
عثمانی مملکتی ایچون:
ییلغی بر بوچوق لیرا
—
اجنبی مملکتی ایچون:
ییلغی ۳۴ مارق - ۲۰ فرانق
—
دانہ سی ۳ غروش

ییل ۱ - صابی ۲

علمی و علی ہر نوع اقتصادی مسئلہ لردن بحث ایدر و ہر بازار ایرتہ سی کونی چیقار .

ادارہ خانہ : استانبول، سلطان حامی - معقولیان خانہ

اعلانہ برلی
بردقہ لوق مرسٹر ایچون:
یکرمی غروش
—
سنہ لک اعلان ایچون
آیریمجہ آ کلاشیلیر

۷ مارت، ۱۳۳۲

مجموعہ مزہ یازاجق ذاتلرک ایسملری [القبا صیراسیلہ] : آرسلان قندی ، دیون عمومیه مدیر عمومیسى - احمد امین بك ، دارالفنون ایستاتیتیق معلمی - ارشد بك ، خارجیہ نظارتی امور تجاریہ مدیری - توفیق بك ، دیوان محاسبات رئیسى - جاوید بك ، سابق مالیہ ناظرى و قلعه سلطانیه مبعوثى ، جمال بك ، معادن مدیر عمومیسى - حامد بك ، عثمانی باقہ سی مجلس اداره اعضاسى - حسن تحسین بك ، مالیہ مستشارى - خلاجیان افندی ، سابق نافعہ ناظرى و استانبول مبعوثى خلوصى بك ، سابق نافعہ ناظرى و حجاز دمیر یوللری مدتی عمومیسى - ساسون افندی ، بغداد مبعوثى - سعاد بك ، خارجیہ نظارتی امور اداریه مدیر عمومیسى - سعید بك صنایع مدیر عمومیسى - سلیمان سامی بك ، نافعہ نظارتی طرق ومعارب مدیر معاونى - سلیمان سرى بك ، نافعہ نظارتی نافعہ مدیر عمومیسى - ضیاكوك آلپ بك ، دارالفنون اجتماعیات معلمی - عثمان قطرى بك ، طرق ومعارب اداره سی ہیئت فنیہ رئیسى - علی جنائی بك ، حلب مبعوثى - علی رضا بك ، امور بیطریہ مدیر عمومیسى - غالب بك ، پوستہ و تہلہ غراف نظارتی قلم مخصوص مدیرى - فائق نزهت بك ، مالیہ نظارتی واردات مدیر عمومیسى - فرید بك ، مسكوكات مدیرى - كاظم بك ، مالیہ نظارتی دیون عمومیه - ومعاملات نقدیه مدیرى - مصطفی بك ، نافعہ نظارتی دمیر یوللر مدیر عمومیسى - مصطفی شرف بك ، تجارت و زراعت مستشارى - مختار بك ، نافعہ مستشارى - منیر بك ، سیفورطہ لر مدیرى - نسیب بك ، زراعت مدیر عمومیسى - یوسف كال بك ، عدلیہ مستشارى .

تجارت و زراعت نظرآئندہ یکی تشکیلات

زراعت و تجارت ناظر محترمی احمد نسیمی بک افندی حضر تلیرنک مجموعہ مزیدہ اجرا ایتدیکی بیاناتندہ موضوع بحث اولان یکی اقتصادی تشکیلات قوہدن فعلہ چیقماق اوزرہ در. بو یکی تشکیلات ایچون بوکرہ مجلس ملی طرفندن قبول و تصدیق اولنان بودجهده موضوع تخصیصات ۷۰۰۰ لیرادن عبارتدر.

بو مبالغ ایله اول امرده دولتک داخلی و خارجی سیاست اقتصادیسی حقندہ مذاکراندہ بولنق اوزرہ استانبولده بر اقتصاد دیات مجلس عالیسی تأسیس اولنہ جنی کبی ولایاتده دخی امور اقتصادی مدیریت عمومیہ لری دخی تأسیس اولنہ جقدر. ولایتلر منطقہ لہ تفریق اولنہ رق ہر اوج ولایتده بر امور اقتصادی مدیریت عمومیہ سی بولندیریلہ جقدر.

امور اقتصادیہ مدیریت عمومیہ سی، منطقہ سی داخلندہ بولنان ولایتلرک زراعی، تجاری، صناعی و اقتصادی خصوصاتنہ نظارت ایدہ جک و طوغریدن طوغریہ زراعت و تجارت نظرآئندہ تابع بولنہ جقدر. ایلریدہ بو تشکیلاتک توسیعی دخی متصوردر. کلہ جک نسخہ لریمزده بو تشکیلات حقندہ آریجہ معلومات ویرہ جکنز.

احمد نسیمی بک افندی حضر تلیرنک سیاحتی

ولایاتده کی احوال زراعیہ و اقتصادیہ بی بالذات تدقیق و تفتیش ایتک مقصدیلہ زراعت و تجارت ناظر محترمی احمد نسیمی بک افندی حضر تلیرنک یقیندہ ولایاتده بر دور سیاحت اجرا ایدہ - جکی مستعبردر.

خارجی

رومانیادہ حبوبات اخراجاتی

کانون ثانیدن بری بو کونہ قدر طونہ و شمندوفر طریقہ رومانیادن ۲۰۰۰۰۰ واغون حبوبات اخراج اولنمشدر.

فرانسہ نک وضعیت مالیہ سی

وردون تعرضی باشلادیگی زماندنبری فرانسه پک بیوک مالی مشکلاتہ معروض بولنیور. حکومت لوازم حربیہ اثمانی تأدیہ ایدہ بیلیمک ایچون بیوک بانقہ لریک معاوتنہ مراجعتہ مجبور اولمشدر. برچوق متعهدلرک آلہ جقلری هنوز تأدیہ اولنہ ماممشدر. بیوک بانقہ لریک مطلوباتی برچوق میلیارہ بالغ اولمشدر.

بانقہ لری محاربہ نتیجہ سندہ حاصل اولان بحراندن طولانی اراضی مقابلندہ اقراضاتی تحدید ایتمشدر. بورسہ معا ملاتی بستون انقطاعہ اوغرا دینی، وموراتوریوم دہا درت آی ایچون تمدید اولندینی جہتلہ اسہام اوزرندہ کی سپہ قولاسیون محدود بر ساحدہ جریان ایدیور. یالکز قورون رابجک دون اولسی بعض معاملات صرافیہ میدان ویرمشدر. فقط صوک زمانلردہ قورون رابجی اییلشدیکندن بو خصوصدہ فعالیت طورمشدر. اساساً صوک زمانلردہ بتون معاملات تجاریہ بہ سکتہ عارض اولمشدر. حواج ضروریہ فقدانی شدتلہ محسوس اولیور. بعض ماللر واردرکہ فیاتلری درت بش مثل درجہ سندہ فیلا مشدر. باخصوص مانیفاتورہ قاشلری ایله قوندورہ، پوپین کبی ماللر بو زمرہ دندر.

شمدیہ قدر ۲۵ لہی ایله آلنان بر چفت پوپین شمدی ۵۵۵۰۰ لہی، مال ولیور. ادخالاتی مشکلاتہ معروض قیلان تدابیر یقیندہ رفع ایدلرسہ مملکتدہ موجود ستوقلر پک زیادہ آزالہ جق و اہالینک احتیاجات عمومیہ سی بیوک برتضیقہ اوغرا - یہ جق، آیاق قابی و ملبوساتہ عائد ماللر انجق کوجلکلہ تدارک اولنہ بیلہ جکدر.

حبوبات تجارتی دخی صوک زمانلردہ فعالیتی غائب ایتمشدر. اخراجات و داخلی استہلاک ایچون اعظمی واصغری فیساتلر تعین اولندیغندن معاملاتک توسعہ میدان قالمہ مشدر. رسمی استاتستیکلرہ کورہ ۱۹۱۵ سنہ سنک حبوبات محصولی ۱۴۲۰۰۰ واغونہ بالغ اولمشدر. بونلر کافہ صاتلمشدر. ۱۹۱۴ محصولندن هنوز صا - تلاماش بر مقدار دہا واردر. حیوانات فیاتلری فوق العادہ یو - کسلمشدر. اخراجات نتیجہ سندہ مملکتدہ موجود حیوانات پک زیادہ آلامشدر.

رومانیادہ اقتصادی وضعیت

رومانیانک اقتصادی وضعیتی صوک زمانلردہ مهم بر تبدلہ اوغرا مشدر. ادخالات غایت محدود بردرجدہ وقوع بولیور و بناء علیہ حواج ضروریہ فیاتلری کوندن کونہ فیلا یور. اخراجاتدہ بر آرفعالیت واردر. اکثریاطونہ طریقہ یاپیلیور. پترول اخراجاتی اکثریاطلیچیا طریقہ وقوع بولیور. طلب چوق اولدینی حالہ فیاتلر تنزل ایتکدہ در. کراستہ اخراجاتی محاربہ نک بدایتندن بری منقطع اولمشدر. معافیہ انکلترہ و فرانسنک آمر - یقادہ یابدقلری استقراض اخیراً فرانسه و انکلترہ طرفندن آمر - یقادہ میلیاردر مورغانک واسطہ سیلہ اجرا اولنان استقراض هیچ بر رغبتہ مظهر اولہ مہ مشدر. فرانسز وانکلز غیرتکشانک مسا - عیسی هیچ بر نتیجہ ویرہ میور.